



SÁMEDIGGE



Nordlánđa
FYLKKASUOHKAN

Aktisasjbarggosjiehtadus Sámedikke ja Nordlánđa fylkkasuohkana gaskan

*Sebrudakulmme: Sáme gielajt, kultuvrav ja sebrudakiellemav nannit,
tjalmostahttet ja ávddånahttet*

Aktisasjbarggosjiehtadusá badjásasj ulmme la dilev láhtjet stuoves ja bisso aktisasjbarggug
aktisasjbarggoguojmij gaskan ássjijn ma sámijda ja sáme guovloja Nordlánđan guosski, ja dájt aktisattjat
vuorodit.

Aktisasjbarggoguojmme diehti sáme giela ja kultuvra guovlo li vijddásappo gå Nordlánnda, ja dav galggá
mujtet.

Oasse 1 Sámegiela

Aktisasjbarggoguojme sihti aktan dâjmalasj ávdåsvásstádusáv válldet sáme gielajt nanostuhtátjít ja
ávddånahtátjít.

Aktisasjbarggoguojme li lihtudam sámegiela li avtaárvvusasj giela ja dássásattja dárogielajn, Sámelága 3.
kapihtala milta. Sámegielajt adnet la vuodulasj riektá. Sámegiela li aj ájnas kultuvrraguodden ja viehkedi
gielalasj moattebelakvuohhtaj sebrudagán. Nordlánđa fylka rájáj sisbielen li árbbedábij milta vihtta sámegiela;
nuorttasámegiella, julevsámegiella, bihtámsámegiella, ubbmemsámegiella ja oarjjelsámegiella.
Nordlánđa fylkkasuohkanin la ávdåsvásstádus divna vidá sámegielaj ávdås fylkan, valla sierra ávdåsvásstádus
julevsámegielas, ubbmemsámegielas ja bihtámsámegielas gå dá giela gávnnuji dåssju Nordlánđan Vuona
bielen.

Nordlánđa sámegiela li rasjes dilen. Aktisasjbarggoguojme galggi dâjmalattjat barggat vaj ienep sámegielagijt
åttjut.

Sámelága giellanjuolgadusá ja ietjá láhkatjoahkke dahki aktisasjbarggoguojmijt vælggogissan sáme
giellarievtesvuodajt bærrájgåtsátjít. Aktisasjbarggoguojme galggi danen barggat vaj sámegiela ávddånahteduvvi
ja tjalmostahteduvvi. Aktisasjbarggoguojme galggi dilev láhtjet dâjmalasj sámegiella adnuj iesjengja arienájn.

Aktisasjbarggoguojme vuosedi VAT 2016: 18 Vájmogiellaj, ja dasi jut dát luluj vuodon bargguj sámegielaj.
Aktisasjbarggoguojme sihti gátsedit «Vájmogiella» dâjmajt manjenagi gå jáhtuj biejaduvvi.

Aktisasjbarggoguojme guorrasí fylkkasuohkan galggá rutijnajt dahkat váj sáddi sihke sámegielak ja sáme/dáro parallælla tevstajt UiT – Vuona arktalasj universitehta Divvunij, váj båhti fárruj sáme ríkjajgasskasoj korpusij. Korpus li tevsta ma li tjoahkkidum. Korpusav máhttá adnet duola dagu giellateknolåvgås vædtsagijt ávddånahtátjit, aktan dutkamij.

a) **Sámelága giellanjuolgadusájt tjuovvot.**

- Aktisasjbarggoguojme nanostuhti doajmme bargov guovtegielakuodarudáj ja 3-jahkásasj doajmmaplánaj baktu dáj rudáj adnui.
- Sámedigge juohkka jage guovtegielakuodarudáj fylkkasuohkanij juollot ja gájbbet fylkkasuohkan ietjas rudájs juollot bargguj sámegielaj.

b) **Dálkkum.**

Fylkkasuohkan galggá dilev láhtjet dálkkumij avta jali moatte sámegielaj gaskan almulasj tjåhkanimij, dáhpádusájn ja dâjmajn. Máná ja nuora vuoroduvvi.

c) **Sáme giellaguovdátja.**

- Sámedigge njuolggadoarjjagav ja aktivitiehtadoarjjagav juollot sáme giellaguovdátjijda ma Nordlánta sáme álmmuga ávdås barggi. Duodden li Sámedikken rudá masi máhttá áhtsåt gielladåjmajda julev-, oarjel-, ubbmem-, bihtám-, gálldå- ja markasáme guovlon.
- Nordlánta fylkkasuohkanin li ávddånahttemrudá sáme giellaguovdátjijda ma Nordlánta sáme álmmuga ávdås barggi.
- Aktisasjbarggoguojme galggi dilev láhtjet ádå sáme giellaguovdátjijt ásadittijat.
- Aktisasjbarggoguojme guorrasí giellaguovdátja galggi bessat ávddánit ja aktisasjbargo daj gaskan galggi nanniduvvat.

d) **Sáme bájkkenamá.**

- Aktisasjbarggoguojme li lihtudam ájnas la sáme bájkkenamájt tjoahkkit, duodastit ja diededit daj birra. Sáme bájkkenamá galggi vuojnnusij boahtet ja aktijvalattjat adnui váldeduvvat duola dagu kártajn ja galbajn.
- Fylkkasuohkan gåtset vaj sáme bájkkenamá mierreduvvi gáktu galggi. Sámedigge máhttá fágalasj máhtudagájn viehkedit.
- Dán sjehtadusá baktu galggi aktisasjbarggoguojme æjvvalit jahkásattjat váj sáme bájkkenammaássij barggo nanniduvvá ja vásádusájt juogat.

e) **Diededibme.**

- Aktisasjbarggoguojme sihti viehkedit rádij ja bagádusáj suohkanijda/guovlojda ma sihti vuorodit sámegielaj barggat.

- Aktisajbarggogoujme sihti diededit institusjávnájda ma dárjav Sámedikkes jali fylkkasuohkanis oadtu, makkir vælggogisuoda li sámegielaj ano hárráj.
- Fylkkasuohkan viehket diedoj ietjas næhtabeliijn sámegielaj, stipænndaårnigij, sáme giellaválljima skávlán ja sáme giellakampánjaj hárráj. Åbbâlasj diedo næhtabeliijn lulun sihke sámegiellaj ja dárogiellaj.

Oasse 2 Sáme kultuvrra ja sebrudakiellem

Aktisajbarggogoujme sihti dâjmalasj ávdåsvásstádusáv váldet sáme kultuvrav ja sebrudakiellemav nanostuhtátjt ja ávddånahtátjt.

Nordlánta fylkkasuohkan árvustallá vat ásadir jahkásasj sámekonferánsav, ja árnigav Sámepolitihkalasj ráde (*åvddåla gáhtjodum Sáme vidjurij Fylkkanammadus*).

Åhpodus

Aktisajbarggogoujme li lihtudam, buorre åhpodus ja buorre sjaddamdíle sáme mánájda ja nuorajda li guovdátjin buorre ávddånahttemij fylkan, ja sihti aktan barggat vaj oahppe oadtu åhpadimev man vuodo l ja mij vuoset sáme árvojda ja sáme gielajda, kultuvrajda ja sebrudakiellemij.

a) **Riektá sámegielåhpadussaj.**

Aktisajbarggogoujme galggi barggat vaj gákja oahppe joarkkaskávlán oadtu fâhpadimfálaldagáv sámegielan ja -giellaj, doajmme oahppoplánaj milta.

b) **Sáme kultuvra birra oahppat/sáme perspektivva joarkkaåhpadusán**

Aktisajbarggogoujme galggi viehkedit vaj Nordlánta fylkkasuohkana joarkkaskávlå oahppe oadtu vuodulasj máhtov sáme gielaj, kultuvraj, histåvrå ja sebrudakiellema birra.

c) **Joarkkaskávlåj oahppoplána ja fálaldakstrukturva.**

Fylkkasuohkan galggá barggat vaj sáme oahppoplánaj sáme sisano åhpodusán dættoduvvi.

d) **Oahpponævo.**

Sámedikken la sierralágásj ávdåsvásstádus oahpponævoj ávddanhttema ávdás, vall aktisajbarggogoujme galggi

- guoradallat oahpponævoj dárbov ja dav oajválattjajda ávdedit.
- oahpponævojt ávddånahttet ma li LK 20S:aj hiebaduvvam.
- Sierraláhkáj julevsáme oahpponævojt lápptit.

e) **Karrierrabagádallam.**

Aktisajbarggogoujme sihti barggat vaj karrierraguovdátja ja digitála karrierrabagádus bærrájgáhtsi sáme oahppij dárbojt bagádallamij.

f) **Máhtudakprogramma.**

- Aktisasjbarggoguojme dåbdijdi, állessjattukåhpodus sámegielajda luluj nannit giellamáhtudagáv ja sámegillaanov fylkan.
- Aktisasjbarggoguojme sihti tjalmostahttet dárbov ja barggat ienep sámegielak åhpadiddjijt rekruttieritjit. Sámedigge ja fylkkasuohkan aktan barggi hábbmitijt aktisasj stipænndaårnigijt sámegielak åhpadiddjijt rekruttieritjit.
- Aktisasjbarggoguojme galggi gávnna manen oahppe válliji ierit sámegiela åhpadimev gá joarkkaskåvlláj álggi, ja gáktu binnedit joarkkaskåvlå hiejttemav.
- Aktisasjbarggoguojme ájggu barggat váj ienep oahppe sáme åhpadimev válliji ja tjadádi.
- Aktisasjbarggoguojme galggi barggat váj sáme giellaåhpadime birra buorebut diedet álmmugij.

g) **Dutkam ja Ávddånahttem**

Aktisasjbarggoguojme li lihtudam aktan barggat ávddånahtátjít sáme dutkamav sámegielaj, kultuvra, sebrudakiellemá ja histåvrå hárráj Nordlándan. Galggá sierraláhkáj vuorodit julev-, ubbmem-, bihtám- ja oarjjelsáme sebrudakdile ja gielaj dutkamav.

h) **Knut Hamsun joarkkaskåvllå julevsáme ressurssaskåvllán**

Aktisasjbarggoguojme galggi barggat váj Knut Hamsun joarkkaskåvllå sjaddá Nordlánða fylka julevsáme ressurssaskåvllán.

Æladusá

Aktisasjbarggoguojme sihti nanos, gievras ja moatbelak sáme æladusáiellemav majn sáme kultuvrra, luonndo ja birás la vuodon ja vieleduvvi.

Aktisasjbarggoguojme sihti danen aktan barggat moatbelak æladusáiellemá gáktuj mij la vuodon nanos bájkálasj sebrudagájda gánnå ulmutja sihti árrot. Aktisasjbarggoguojme sihti aktidit stratesjijajt æladusávddånahttemij Nordlándan. Aktisasjbarggoguojme li lihtudam álgadibme ja innovasjávnná sihke ádá ja árbbedábálasj æladusájn li ájnnasa ienep barggosajít dagátjít, ja sihti danen dåjmalattjat barggat dåjmaj ja prosjevtaj daj hárráj.

a) **Boatsojæladus.**

- Aktisasjbarggoguojme li lihtudam dåjmalattjat galggi barggat binnedittjat boatsojlågov ma Nordlandsbanenin vuodjuji.
- Aktisasjbarggoguojme li lihtudam boatsojæladusá areállasuodjalibme galggá nanniduvvat. Boatsojæladus boadádallá nággju moattet guovlos, ja danen la sierra dárbo ietjas guohomednamijt suodjalittjat. Boatsojæladusá areállaberustime galggá bærrájgåtseduvvat buorre areállapládnaprosessaj baktu.

b) **Duodje.**

- Aktisasjbarggoguojme li lihtudam viehkeditjat duojev ávddånahttet kultuvrran, fáhkan ja æladussan.
- Aktisasjbarggoguojme sihti aktan barggat duojev ávdeditjat ja viehkedit hiebadahtté prosjevtajda ja dåjmajda Nordlándan.

c) ***Sjuggelis æladusá.***

Aktisasjbarggogoujme li lihtudam ávdedittjat ja ávddånahtátjt sjuggelis æladusáv (kultuvrraæladusáv) vuododuvvam sáme dájdan ja kultuvran vuorodimsuorggen æladusåvddånahttemin.

d) ***Álgadiddjedájma, álgadibme ja innovasjåvnå.***

Aktisasjbarggogoujme sihti dilev láhtjet ávdedittjat álgadimev ja ådådahkamav Nordlándan, dánna aj struktuvrajt dahkat ma álgadiddjijt bærrájgåhtsi ja máhtudagáv ja værmádagáv sijá hárráj dahki.

e) ***Nuoraj Álgadibme/Ungt Entreprenørskap.***

-Aktisasjbarggogoujme li lihtudam ávttitjut Ungt Entreprenørskap sáme tiemájt vuorodittjat.
-Aktisasjbarggogoujme sihti barggat buorre oassálasstemij Nuoraj Álgadime hárráj ja ienebut suohkanijt dán bargguj oassálastátjt.

f) ***Sáme mannoiellem.***

- Aktisasjbarggogoujme li lihtudam dutkam le ájnas gå ájgu sáme mannoæladusáv vijddásappot ávddånahttet ja bærrájgåtsåjt dav máhttelisuodav mij la danna.
- Aktisasjbarggogoujme li lihtudam doarjjot ja ájn vil ávddånahttet sáme muossádimvuododam mannoæladusáv Nordlándan.

g) ***Guollim ja guolij biebmädibme***

- Aktisasjbarggogoujme li lihtudam guollim ja guolij biebmädibme li ájnas æladusá sáme guovlojn.
- Aktisasjbarggogoujme sihti bargov joarkket buorre regionála háldadusájn merraressursaj hárráj ma li merragáttij lahka.

Kultuvrra

Aktisasjbarggogoujme li lihtudam moatbelak sáme dájdda- ja kultuvrraiellem alla kvalitiehtas mij la sadjihin gájkajda, la viehkken viesso bájkálasj ja stádasebrudagájda.

Aktisasjbarggogoujme sihti aktan barggat dilev lájtjátjt ávddånahtátjt sáme dájdda- ja kultuvrradájmajt, ja sáme kultuvrrainstitusjåvnåja¹.

a) ***Kultuvrrainstitusjåvnå ja –dájma²***

- Aktisasjbarggogoujme galggi aktan barggat nannitjat vaj kultuvrrainstitusjåvnå ma almulasj doajmmadárjav oadtu bærrájgåhtsi máhtudagáv ja gaskostimev sáme dájdas ja kultuvras alla kvalitiehtas ietjasa programmierimij ja gaskostimij.

- Aktisasjbarggogoujme galggi barggat nannitjat Nordlánna dávvervuorkáj sáme kultuvrrahistávrå duodastimev, nannimav, láhtjemav ja gaskostimev.

- Aktisasjbarggogoujme li lihtudam sáme festivála ja festivála sáme dáhpádusáj li ájnas ariená sáme kultuvrav tjalmostahtátjt ja sáme dájdda- ja kultuvrråvddånbuktemijt muossádittjt ja gaskostittjt.

¹ Dán aktisasjbarggosjehtadusán merkaj buokuldahka «sáme kultuvrrainstitusjåvnå» kultuvrrainstitusjåvnå Nordlándan ma doajmmadárjav Sámedikke budsjeha kulturkapihtala baktu.

² Dán aktisasjbarggosjehtadusán merkaj buokuldahka «kultuvrrainstitusjåvnå ja –dájma» kultuvrrainstitusjåvnå Nordlándan ma ælla sáme ja ma almulasj därjav oadtu.

- Aktisasjbarggoguojme guorrasí ájnas la ienep sáme æjvvalimsajjt dahkat.

b) ***Girjjevuorká, girjálasjvuoda ja sáme almmudagá.***

- Aktisasjbarggoguojme galggi viehkedit vaj sámegiela ja girjálasjvuhta gávnna ja gaskostuvvi Nordlándan.
- Nordlánđa fylkkasuohkan galggá viehkken sámegielak girjálasjvuodav ruhtadit.
- Aktisasjbarggoguojme dâbdjidi sámegielajn li iesjengalágásj hásstalusá.
- Nordlánđa fylkkasuohkan galggá áttjak ásaduvvam girjálasjvuodagaskostime virgij siegen barggat. Galggá aj ubbmem- ja bihtámsámegiela nannima bargojt doarjjot.
- Nordlánđa fylkkasuohkan galggá nannit Nordlánđa girjjevuorká ja gaskostiddijj máhtudagájt ma guosski sáme gielajda, girjálasjvuhtaj ja vidjurija.
- Nordlánđa fylkkasuohkan ájgu Sámedikke siegen girjjevuorkkáplánav dahkat.
- Aktisasjbarggoguojme ájgu guovdásj oajválattjaj hárráj barggat vár áttjut åbbålasj sáme medijáfálaldagá TV:an, radion, avajsajn ja digitála medijájn. Dát guoská sierraláhkáj julev- ja oarjjelsáme giellafálaldagája mediján.

c) ***Sáme kultuvrrainstitusjåvnå, dávvervuorká, teahttára ja festivála***

- Aktisasjbarggoguojme sihti nannit ásaduvvam sáme kultuvrrainstitusjåvnåjt, festiválajt, dávvervuorkájt ja teáhttarav vuordedahtte rámmaævtoj ja sajev ietjasa fálaldagájt ja dåjmajt vijddásappot åvddånahtátjít.
- Nordlánđa fylkkasuohkanin la åbbålasj åvdåsvásstádus adjáj sáme kultuvrrainstitusjåvnåjs ja kultuvrraguovdátjijs, ja ájgu árvustallat gáktu máhttá dajt rudáj doarjjot.
- Nordlánđa fylkkasuohkan galggá Árran julevsáme guovdátja ja Sámedikke siegen guoradallat jus galggá juolludit guovlolasj doajmmarudájt Nordlánđa sáme dávvervuorkája.
- Aktisasjbarggoguojme galggi dilev láhtjat ságastallamijda mij guoská sáme kultuvra ásadusáj stivraj nammadibmáj gá goappátja stivrraájrrasijt nammadi.

d) ***Kultuvralasj skåvllåvuossa.***

Aktisasjbarggoguojme sihti nannit sáme kultuvra ja kultuvradádjadusá gaskostimev skåvlåjn. Galggá rahtjat moatobelakvuohhtaj åvddånbuktemin ja alla kvalitiehtav buvtadimij sáme sisanoj Kultuvralasj skåvllåvuossan mij fylkan fáladuvvá.

e) ***Bådåddjo Eurohpalasj kultuvrraoajvvestádan 2024***

- Nordlánđa fylkkasuohkan æjgu 50% Bodø2024 IKS. Sámedigge l aktisasjbarggosjehtadusáv tjállám Bådåddjo2024:ajn, ja sij li fáron ruhtadime sáme koordináhtura virgev.
- Aktisasjbarggoguojme sihti viehkken vár sáme vuorodibme ja Bådåddjo2024 programma l tjielgas ja vijddásit fármas.
- Nordlánđa fylkkasuohkan vuojnná dárbov sáme kultuvrrainstitusjåvnåjt nannit vár dá máhtti viehkken 2024 hárráj.
- Aktisasjbarggoguojme ájgu viehkedit guhkesájggásasj máhtto- ja máhtudaklápptimij, værmádaktsieggiij ja mobilisierimij mij sjaddá kultuvrrasuorge sáme infrastruktuvrav nannit ja sáme institusjåvnåda, birrasijda ja akterajda ávkken sjaddat aj 2024 mañjela.

Sáme máná ja nuora

Vuoseduvvá ANa mánájkonvensjåvnnåj, artihkkalij 30: Máná gudi unneplåhkuj jali álggoálmugij gulluji, la riektá ietjasa gielav ja kultuvrav adnet ja ietjasa åskov dåjmadir.

Aktisasjbarggoguojme li lihtudam dagátjit buorre sjaddamdilijt sáme mánájda ja nuorajda ja viehkedit sijá sáme identitiehtav nannitjít. Nordlánđa sáme kultuvra moatbelakvuohat hæhttú vieleduvvat láhtjemin buorre sjaddamdilijt. Gå ienep ulmutja stádajda jáhti adjáj sáme álmmuga gaskan, la ájnas láhtjet dilev sáme mánájda ja nuorajda stádaj.

- a) Aktisasjbarggoguojme sihti aktan barggat ávddánahtátjt sisanov iesjenggalágásj dâjmajn ja prosjevtajn mánájda ja nuorajda vaj sámegiela ja kultuvrra ja moattekultuvralasj perspektivva ienebut sebrudahteduvvi.
- b) Aktisasjbarggoguojme sihti viehkedit sáme rájárasstijiddje prosjevtajda, ållagasj mánájda ja nuorajda gudi giela ja kultuvra baktu luondulattjat Nordlánndaj gulluji.
- c) Aktisasjbarggoguojme sihti guovdásj oajválattjaj gáktuj barggat álles sáme medijjáfálaldagá hárráj TV:an, radion, avisaajn ja digitála miedijjájn, podcastajn ja vil ienep. Sierraláhkáj galggá medijjáfálaldahka mánájda ja nuorajda ávddánahteduvvat.
- d) Aktisasjbarggoguojme ájgu doarjjot Nordlánđa fylkkasuohkana doajmmaplána 3. oasseulmev prosjevta tjadá man namma l «*Divna. Aktan. Alle. Sammen. Ung inkludering i Nordland*».

Kultuvrramujttoháldadibme

Aktisasjbarggoguojme joarkki doajmme ja buorre aktisasjbargov háldadimen kultuvrramujtojt kultuvrramujtolága baktu, gehtja Njuolgadustjállagav fágalasj ávdåsvásstádusjuohkem kultuvrramujtolága baktu, § 3 aktisasjbarggovaelggogisvuoha. Aktisasjbarggo galggá vuododuvvat gasskasasj vieledime, fágalasj lánudime ja praktihkalasj hiebadime vuodon.

Regionála plánim ja areállaháldadibme

Luonndovuodo sáme kultuvrraj ja æladusdâjmadibmáj la nákko vuolen. Aktisasjbarggoguojme li lihtudam dáv máhttá hieredit dâjmalasj ja diedulasj gárvedime baktu fylkkadásen. Aktisasjbarggoguojmij ulmme I, sáme kultuvrra, æladusdâjmadibme ja sebrudakåvddánahttem vieleduvvi ja oadtju ávddánahttemmáhittelisvuodav regionála plánimin ja areállaháldadimen.

- a) Aktisasjbarggoguojme sihti dâjmalasj guojmmeåvdåsvásstádusáv válldet fylka sáme kultuvraj, æladusdâjmaj ja sebrudakiellemij luonndovuodov nannitjít.
- b) Aktisasjbarggoguojmij mielas la sáme sebrudagájt ávddánahttet ájnas oassen regionála plánimis.
- c) Sámedigge ájgu viehkken ådå Nordlánđa regionála areállaplána gárvedimen.

Álmmukvarresvuoha

Sáme álmmugin la, nasjávnálasj lágaj ja ríkjagasskasasj konvensjávnáj milta, riektá varresvuoda- ja sosialdievnastusájda majn sámegiella ja kultuvrra li vuodon.

- Aktisasjbarggoguojme li guorrasam avtaárvvusasj varresvuoda- ja sosialdievnastusá sáme álmmugij la ájggomussan.
- Aktisasjbarggoguojme li guorrasam dárba dâjmajt vaj árggabiejjverasismav ja sámij nálsodimev hieredittjat, giehtadalátjt ja gádodittjat.

Stádapolitikhka

Aktisasjbarggogoujme dâbdijdi sáme adjáj smávep sajjs stádajda ja tjoahkebájkjida árruji. Stádaj árro sámijn li sæmmi riektá ja gájbbádus buorre ja avtaárvvusasj fálaldagájda ma guosski ietjasa kultuvra dâjmadibmáj, ietjasa giela adnuj ja áhpadus- ja álkkádusfálaldagájda ma juohkkahattja dárbov bærrájgáhtsi.

- Aktisasjbarggogoujme galggi aktan barggat vaj stádaj árro sámij rievtesvuoda ja fálaldagá bærrájgátseduvvi.

Ekonomija

Rudálasj vælggogisvuoda tjanáduvvam aktisasjbarggosjiehtadussaj giehtadaláduvvi aktisasjbarggogoujmi jahkásasj budjehtajn. Juohkka rudálasj vælggogisvuoha tjanáduvvam juohkka ájnna dâjma tjadádibmáj aktisasjbarggosjiehtadusá milta, gájbbet ietjas politihkalasj giehtadallamav.

Rádudallama sáme berustiddjjí

Suohkana ja fylkkasuohkana li vælggogisá rádudallat sáme berustiddjjí dakkir ássjíjn gánnå sáme berustime vájkkuduvvi. Gå suohkana ja fylkkasuohkana li konsulterimvælggogisvuodaj vuolen de dat merkaj galggi diededit Sámediggáj ja iehtjádjida gejn li konsulterimrievtesvuoda, ássjíj birra ma vuordedahtte sjaddi konsulteriduvvat.

Rádudallamij ulmme I tjårggit vaj guoskadallam sáme berustiddje árrat juo bessi fárruj prosessajda, ja váj bessi mærrádusájda vájkkudit. Goappátja oassálasste galggaba tjadádit prosessav man ulmme le semadit, valla ájn li oajvállattja gudi láhpalattjat mierredi.

Rádudallamvælggogisvuoha máhttá sjaddat ájnas barggonævvon suohkanilda ja fylkasuohkanilda ássjíjn ma sáme berustimijda guosski. Dánna ájggú rádudallamij baktu ávddånbuktet iesjenggalágásj oassálasstij vuojnojt sierra ássjíjn, ja gæhettjalit semadit ássjegiehtadallama ja ássje báhtusa gáktuj.

Ietján gå guláskuddama, de le rádudallamij ulmme semadit oajvvaduvvam dâjma, njuolgadustjállaga ja nav vijddásappot, badjel. Duola dagu galggá liehket almma guládallam oassálasstij gaskan vuojnoj juohkema ja dárbulasj diedoj juohkema baktu. Vijddásappot le ækton jut sáme berustime árrat juo prosessajda bessi, ja jut ássjíjt ij mierreda ávddåla rádudallama álggi.

Oasse 3 Gáktu galggá barggat aktan

- a) Aktisasjbarggo dán aktisasjbarggosjiehtadusá baktu la iesjmiellusasj vuodon guovte avtaárvvusasj guojmij gaskan. Aktisasjbarggosjiehtadus ij la hieredibmen aktisasjbargguj ássjíjn ma ælla nammaduvvam dán aktisasjbarggosjiehtadusán.
- b) Aktelasj tjåhkani me sámedikkepresidenta ja fylkkarádejádediddje gaskan tjadáduvvi. Tjåhkanimij ulmme I aktisasjbarggo, aktidibme ja vuorodime. Háludadusá æjvvali binneamusát akti jahkáj guoskavasj hásstalusáj birra ságastalátjít.
- c) Aktisasjbarggogoujmi politihkalasj dáse tjåhkanimij sihtá lagábut ságastallat ja máhttelis vuorodimijt dahkat mij guosská iesjenggalágásj fáhkasuorggáj ja ájnegin kultuvrrainstitusjávnå ávddånahitemij, vuorodimijda jali prosjevtajda.
- d) Háludadusá iesjenggalágásj fáhkasuorgjén li vuordedahtte avtatraják aktisasjbarggo aktisasjbarggosjiehtadusáv gátsedime, ja tjåhkanaddi dárboj milta.

- e) Diededibme sjiehtadaláduvvá sierra ja dárboj milta.
- f) Aktisasjbarggosjiehtadus la fámon 4 jage, desik ådåsmahteduvvá jali ådå sjiehtadus dan sadjáj boahtá.
Dåssju aktisasjbarggoguojme bessi aktisasjbarggosjiehtadusáv rievddadit.
- g) Dát aktisasjbarggosjiehtadus la fámon gå Fylkkadigge ja Sámedikke állestjähkanibme li aktisasjbarggosjiehtadusáv mierredam.
- h) Aktisasjbarggosjiehtadusá vuodon li ríkjagasskasasj sjiehtadusá ja vælggogisuoda álggoálmmugij rievtesvuoda hárráj, ja nasjávnålasj lága, njuolgadustjállaga ja njuolgadusá ma sáme berustimijda guosski ja aktisasjbargov hiebadi.
- i) Aktisasjbarggosjiehtadus ij máhte aneduvvat doajmme lágajt gártjedittjat.
- j) Goappátja aktisasjbarggoguojmme libá vælggogissan rudálasj därjav vuorodit aktisasjbarggosjiehtadusá ájggomusájt jávsådittjat.
- k) Goappátja aktisasjbarggoguojmme máhtteba aktisasjbarggosjiehtadusáv hiejtedit, diededibme binnemus 6 máno ávddåla.
- l) Birás ja dássádus li vuodulattjan aktisasjbarggosjiehtadusá divna suorgijda ja galggi nappu vuodon liehket.
- m) Universála hábbmima prinsihpa galggi sjiehtadusá ano aktijvuodan vuoroduvvat.



SÁMEDIGGE



Nordlånda
FYLKKASUOHKAN

Bådåddjo, bårggemáno 28.b. 2023

Bodø, 28. august 2023

Silje Karine Muotka

Silje Karine Muotka

Sámedikkepresidænnta
Sametingspresident

Elin Dahlseng Eide

Elin Dahlseng Eide

Fylkjaráde ávdåk
Fylkesrådsleder